

---

## ФАРГОНАДА БОШ ВАЗИР ЎРИНБОСАРИ ЗУЛАЙҲО МАҲКАМОВА ИШТИРОКИДА “ОҚИЛА АЁЛЛАР” ҲАРАКАТИ ФАОЛЛАРИ ОЛДИДА ТУРГАН ВАЗИФАЛАР КЕЛИШИБ ОЛИНДИ

Бугун Фарғона шаҳрида Бош вазир ўринбосари – Оила ва хотин-қизлар давлат қўмитаси раиси Зулайҳо Маҳкамова иштирокида йиғилиш бўлиб ўтди. Унда вилоят оила ва хотин-қизлар бошқармаси ва шаҳар-туман бўлимлари раҳбарлари, уларнинг қошида ташкил этилган “Оқила аёллар” ҳаракати аъзолари иштирок этдилар.

Жорий йилнинг 1 март куни давлатимиз раҳбарлари томонидан ўтказилган видеоселектор йиғилишида жойларда обрў-эътиборли, катта тажрибага эга фаоллардан иборат «Оқила аёллар» ҳаракатини ташкил этиш ғояси илгари сурилган эди. Бугунги тадбирда ушбу ташабbus жамиятда янги маънавий макон яратишда, эзгу ғоялар, миллий қадриятлар, урф-одатлар, муқаддас анъаналарни жамиятга сингдиришда, хотин-қизларни ҳар томонлама қўллаб-кувватлашда муҳим қадам бўлганлиги қайд этилди.

Вазирлар Маҳкамасининг 2022 йил 8 августда қабул қилинган “Оқила аёллар” ҳаракати фаолиятини ташкил этиш чора-тадбирлари тўғрисида”ги қарори мазмун-моҳияти, жойлардаги ижроси ҳақида сўз борди.

Зулайҳо Маҳкамова оиласалардаги ажримларнинг олдини олишда, оиласавий келишмовчиликларни бартараф этишда, хотин-қизларнинг хуқуқ ва қонуний манфаатларини ҳимоя қилишда, уларнинг иқтисодий, ижтимоий ва сиёсий фаоллигини оширишда, бандлигини таъминлашда “Оқила аёллар” ҳаракати аъзолари, маҳалла фаоллари бирдамликда, ҳамжиҳатликда ташабbus кўрсатишлари зарурлигини таъкидлади.

Жамоатчилик асосида иш юритаётган “Оқила аёллар” ҳаракатининг вилоят оила ва хотин-қизлар бошқармасида 40 нафар, туман, шаҳар оила ва хотин-қизлар бўлимларида 30 нафар, ҳар бир маҳаллада 15 нафардан энг фаол, ташабbusкор аёллардан иборат бошланғич гурухлари фаолият бошлаган. Бугунги тадбирда “Оқила аёллар” ҳаракати вилоят етакчиси, Вилоят Қизил ярим ой жамияти раиси Юлдузхон Раҳимова ҳамда ҳаракат аъзолари олдида турган аниқ вазифалар келишиб олинди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-11-02 19:51:31